

I aki tangiria ni kan karaoi bwaai aika a boou ibukina bwa I karaoi kairua n taainako. Tera ae I riai ni karaoia?

—Te Kororaoi i Panama City

Nakoim ae Ko Kororaoi,

Tao ngkana ko taku bwa ko aki kona ni kororaoi ni bwaai aika ko karaoi, tao ko kabwaka. Ma bon te kewe anne! Ni koauana, ko reiakinaki man baika a kairua ao n nakoraoi riki.

E buokiira Tamara are i Karawa n reiakinaki teutana i mwiin teutana (taraa Reirei ao Berita aika Tabu 98:12). Nakon are ko na kabanea am tai i aon te riki ni kororaoi, kataia kabanea am tai i aon rikirakem ao inanon te tai ae karaurau ko na kona n riki n ai Arona. Kakaie bwaai aika ko karaoi aika a kanakoraoo arom. Kataia ni bita am iango aika aki raraoi i bon ibukim nakon iango aika a tamaroa. Ae moan te kakawaki riki, ngkana ko karaoo te kaairua—ke ngkana 20 am kaairua—kabanea korakoram n ikerake, tataro, ao waaki nako!

Ma te tangira,

Te Rao

Bitii Koroboki n Aki Akaka Aikai nakon te Korobanna ae Tamaroa!

Iai temanna ae e waakina ana korotamnei ma e bwarannano ngke e taku n ana iango bwa e a bon aki tau. Kabongana rabakaum ma mwaatain am iango ni katiai korobanna aikai n tatabeua. Ti na nooria bwa tera ae e na riki ngkana ti teimatoa ni waakinako!

